



Kattusseqatigiit Partiiat

17. august 2012
Januar 2012

UKA 2012/74
UPA 2012/74

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ilulissani Timersornermut ilinniarfimmik imaluunniit Ilinniarnertuunngorniarfimmik pilersitsoqarnissaa siunertaralungu Naalakkersuisut misissuinissamik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Knud Fleischer, Kattusseqatigiit Partiiat)

Tunggavilersuut:

Tassani misissuinermi qulaajarneqassallutik, aningaasat qanoq amerlatingisut atorlungit Timersornermut ilinniarfiup imaluunniit Ilinniarnertuunngorniarfimmik piviusunngortinnissaanut atorneqassanersut.

Siunnersuuteqarnermut tunggavittut pingaarnepaatut taarusupparput, maannakkut nammineq piumasuseq atorlungu suliniaqatingiiffik ilulissani ivingaaqqanik arsaattarfiliornissaq siunertaralungu pilersinneqarsimammat.

Maanna Ilulissani suliniaqatigiiffiit eqimattallu suliamut aalajangersimasumut suliaqareersut pilersaarusiortullu, iluatsillugit Naalakkersuisut Timersornermik ilinniarfimmik imaluunniit Ilinniarnertuunngorniarfimmik pilersitsisinnaanissamut misissueqqullugit peqquneqarnissaat siunnersuuteqarnitsinnut toqqammavigisatta pingaanerit ilagaat.

Siunertaq ivingaaqqanik arsaattarfiliornissaq piviusunngussappat, Kattusseqatigiit Partiianiit isumaqarpungut, pingaaruteqartoq inatsisartutingut aammalu naalakkersuisutingoortumik tapersersuineq ingerlanneqartariaqartoq.

Kattusseqatigiit Partiianiit takorluukkatta ilangivaat, Timersornermut ilinniarfik imaluunniit Ilinniarnertuunngorniarfimmik Ilulissani pilersinneqassasoq ivingaaqqanik arsaattarfittalik.

Siunnersuutillu qiterisaani misissuinissami Timersornermut ilinniarfimmik imaluunniit Ilinniarnertuunngorniarfimmik pilersitsinissamut, periarfissat assingiinnigitsut sapinngisamik misissorneqarnissaat siunertaraarput.

Soorlu Timersornermut ilinniarfiup imaluunniit Ilinniarnertuunngorniarfiup pilersinneqarnissaanut annerusumik aningaasat qanoq amerlatingisut atorneqassanersut tassani qulaajarneqassammata.

Misissuinermi makkua aallaavingineqassapput.

1. Timersornermut ilinniarfiup imaluunniit Ilinniarnertuunngorniarfiup ivingaaqqanik arsaattarfittalilip inissisimaffissaa, sumi inissisimanguni pitsaanerpaajussua? Timersornermik ilinniarfissap imaluunniit Ilinniarnertuunngorniarfiup inissisimanissaa eqqarsaataavoq Ilulissani inissisimassasoq. Ilinniarfiup Ilulissanut inissinnissaa pillugu oqaatigineqassaaq illoqarfinni allani ilinniarnertoornngorniarfimmik unammillertuussanngimmat taamaattorli ilinniarfissamik allamik periarfissiinissaq tamatumani eqqarsaataalluni, aammalu ukiuni kingullerni annertuumik eqqartorneqartarpoq atuartut aallartikkaluartut uniinnartartut annertunerat, isumaqarpugullu uniinnartarnermut tunngatillugu annertuumik Timersornermik ilinniarfimmik imaluunniit Ilinniarnertuunngorniarfimmik pilersitsinikkut annertuumik atuartuujumaartussanut iluaqutaajumaartoq, tassami ilinniarfissaq tamanit iluaqutaasumik kinguneqarnissaa takorluugaammat. Inuusuttut amerlasuut annertuumik sunngiffimmi sammisassaq amigaatigisarpaat, ilaatigullu atuarfimmik imaluunniit ilinniarnertuunngorniarfimmik pilersitsinikkut sunut tamanut aamma atorluarneqarsinnaanera matumani takorluugaalluni soorlu inuunerinnerunissamut peqqinnerunissamullu aqputissiuusseqataasinnaanera eqqarsaatigalugu.
2. Timersornermut ilinniarfiup, Ilinniarnertuunngorniuffiulluunniit illutassaata isikkussaa, sapinngisamik aningaasat atorluarlungit pissarsiassaq annertunerpaq qulakkeerniarnissaa. Atuarfiulertussap illutassaa pineqarpat taava illutaata nunanut allannut sanilliullugu pioreersunik isumassarsiorsimanissaq minnerunngitsumik periarfissat pitsaasuunissaat sumut qanorlu atorsinnaanera eqqarsaatigilluakkanik periarfissiisumillu atorsinnaanissaa siunniussutigissavarput.
3. Periarfissat arlallit misissuinermi qulaajarneqarnissaat, Timersornermut ilinniarfiup imaluunniit Ilinniarnertuunngorniarfiup sananeqarnissaanut missingersuutit tingoriaannangorlungit, innuttaasunut atorsinnaanngortineqarnissaat. Nunatsinni innuttaasut tamarmik timersornermik ilinniarfimmik atuinissaat kissaatigaarput, taamaattoq oqaatigissallugu pingaarsoraarput aammalu ilinniarfik nunanik allamiunik annertuumik misigisassarsiorfittut atorneqarsinnaanera aamma periarfissaasariaqartoq, naatumik oqaatigalugu siunissami innuttaasut assingusumik suliaqartussannut misissuinermi paasisat missingersuutillu atorluarneqarsinnaammat.

Kattusseqatigiit Partiiiniit misissuinissamut siunnersuuteqarnitsinnut makkua aamma peqputaasutut saqqummiutillaasuakka.

1. Ilulissani ivigaqqanik arsaaffiliornissamut pilersitsiniarluni pilersaarutit maannamut ingerlanneqarput. Pilersaarutit annertuumik massakkumut ingerlanneqartut naatumik oqaatigis sagaanni suliniaqatigiiffik ajunngilluartumik ingerlavoq, ilaatigut tapersersuinerit annertuut nunatta aammalu nunatta avataaniit tuttiuttartut annertummata, massakkut pilersitsiniarluni ingerlatsinermi illersorteqarnerput piviusunngorpoq (Tassa protector) taannalu ateqarpoq Alan Simonsen aammalu nunatsinni suliffeqarfiit annertuut tapersiinissamut nalunaaruteqartarnerat nuannersuuvoq soorlu Faxekondi pisiffik aqputigalugu kondimik pisinermi aalajangersimasumik tapersiisarpoq, nuannerportaaq Qaasuitsup Kommunea pilersaarummut aamma annertuumik tapersersuimmat, taamaattumillu neriutitta annersaraat aamma nunatsinni oqartussanik Inatsisartunullu ilaasortanit tamanit tapersersorneqarumaartoq.

2. Ilinniartitaanermut aammalu Peqqissutsimut Naalakkersuisut siunissaq ungasinnerusoq eqqarsaatigalugu ataqatigiissaakkamik ilinniartitaanerup iluani aqqissuusseqqinnermut ilapertuutaalluarsinnaanera. Inuttaasut peqqinnerunissaat anguniarlugu suliniutigineqartut eqqarsaatigalugit isumaqarpugut, siunissami peqqissuunissamut Timersornermik ilinniarfimmik imaluunniit Ilinniarnertuunngorniarfimmik pilersitsinikkut ajornannginneru-

sumik angujartuaarneqarsinnaasoq, minnerunngitsumik aamma massakut meerartatta atuarfimmii anisartut eqqarsaatigalugit. Taamaalilluni ilinniaqqinnissamut periarfissat ilaattut annertusaaqataasussatullu isumaqarfigigatsigu. Aammalu piffissami qaangiuttumi nunaarutigalugu nunaqqatigut nunani allani Timersornermik atuarfinni atuarsimallutik naammassillutik utertartut atorfinillu nunatsinnut iluaqutaasunut atorfinittartut aamma isumalluutitta ilagilluinnarmatigit, nunatsinnilu atuarfimmik taamatut ittumik pilersitsinikkut annertuumik inuusuttunut aammalu meeqqat siunissaannik pilerinarsaataasussaasutut isumaqarfigigatsigu.

Kattusseqatigiit Partiiianiit naatsorsuutingaarput, misissuinissaq ukiup ataatsip ingerlanerani naammassineqarsinnaassasoq.

Aningaasaqarnikkut allaffissornikkullu siunnersuutip pisortanut sunniutissai.

Siunnersuut pisortanut misissuinissaq kisimi pineqarami, misissuinermi ingerlatsisunut aningaasartuutit atorneqassapput, Kattusseqatigiit Partiiianiit takorloorparput aningaasartuutit 500.000-it kr-it 1 mio kr-illu akornanni suliarineqarsinnaasoq aammalu ivingaaqqat atorlungit arsaattarfiliornissamut aaliangeriikkat iluanni aningaasalersorneqarsinnaassasoq. Konto pingaarneq pineqarpoq 80.00.00.

Siunnersuutip innuttaasunut aningaasatigut allaffissornikkullu sunniutissai.

Siunnersuut toqqaannartumik innuttaasunut sunniuteqassanngilaq.

Siunnersuutip aningaasatigut allaffissornikkullu namminersortunut sunniutissai.

Siunnersuut aningaasatingut allaffissornikkut namminersortunullu sunniutissaqanngilaq.